



საქართველოს პრემიერ-მინისტრის

ბ რ ძ ა ნ ე ბ ა

N 107 2018 წლის 7 მაისი ქ. თბილისი

საქართველოს მთავრობის ადმინისტრაციის რეორგანიზაციის დაწყების შესახებ

„საჯარო სამსახურის შესახებ“ საქართველოს კანონის 102-ე მუხლის პირველი პუნქტის, 104-ე მუხლის პირველი პუნქტის, „პროფესიული საჯარო მოხელის მობილობის წესის შესახებ“ საქართველოს მთავრობის 2017 წლის 20 აპრილის N199 დადგენილებით დამტკიცებული წესის მე-5, მე-8, მე-9 და მე-10 მუხლებისა და „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-8 მუხლის მე-2 პუნქტის „ი“ ქვეპუნქტის შესაბამისად:

1. სისტემური, ეფექტიანი მმართველობის უზრუნველყოფის მიზნით დაწყებულ იქნეს საქართველოს მთავრობის ადმინისტრაციის რეორგანიზაცია, რის შედეგადაც მიღებული იქნება საქართველოს მთავრობის ადმინისტრაციის ნაწილობრივ ან მთლიანად ახალი სტრუქტურა.

2. ადმინისტრაციული მართვის დეპარტამენტის ადამიანური რესურსების მართვის სამსახურს (ნ. მაჩაიძეს) დაევალოს არაუმეტეს 1 (ერთი) თვის ვადაში რეორგანიზაციის მიზნით განსახორციელებელი

ღონისძიებების დაგეგმვა, ასევე ამ ბრძანების საქართველოს მთავრობის ადმინისტრაციის თითოეული მოხელისათვის გაცნობის უზრუნველყოფა.

3. საქართველოს მთავრობის ადმინისტრაციის შესაბამისმა სტრუქტურულმა ერთეულებმა უზრუნველყონ რეორგანიზაციისათვის აუცილებელი სამართლებრივი აქტების ცვლილებების მომზადება და საქართველოს მთავრობის ადმინისტრაციის რეორგანიზაციის შედეგად შესაქმნელი ორგანიზაციული სტრუქტურის პროექტის შემუშავება, ასევე მოქმედი კანონმდებლობით გათვალისწინებული რეორგანიზაციასთან დაკავშირებული სხვა ღონისძიების განხორციელება.

4. საქართველოს მთავრობის ადმინისტრაციის რეორგანიზაციის დაწყების შესახებ დაუყოვნებლივ ეცნობოს სსიპ - საჯარო სამსახურის ბიუროს.

5. ბრძანება შეიძლება გასაჩივრდეს მისი გაცნობიდან ერთი თვის ვადაში, თბილისის საქალაქო სასამართლოში (მის.: ქ. თბილისი, დ. აღმაშენებლის ხეივანი, მე-12 კმ. N6).

გიორგი კვირიკაშვილი

